

**BOB MARLEY (1945-1981)**  
lést þennan dag.



„Ég stend ekki einungis fyrir svarta manninn, ég stend ekki heldur bara fyrir hvíta manninn. Ég stend fyrir mátt Guðs.“

Bob Marley, fæddur í St. Ann á Jamaíka, var gífurlega áhrifamikill tónlistarmaður. Hann hefur með tímanum orðið táknmynd sameiningar kynþátta og afþjóðlegrar menningar, í gegnum undurfagra tónlist sína.

# tímamót

tímamot@frettabladid.is

## PETTA GERÐIST

### Barbie dreginn fyrir rétt

Á þessum degi árið 1987 voru þýska stríðsleipamanninum Klaus Barbie birtar 177 kærur í Lyon fyrir stórfellda glæpi gegn mannkyni. Barbie, sem kallaður hefur verið slátrárinn í Lyon, var einn yfirmanna Gestapó-sveitar nasista í seinni heimsstyrjöldinni og sagður ábyrgur fyrir flutningi meira en 7500 franskra gyðinga og uppreisnar-seggja í útrýmingarhöndum. Barbie starfaði í áratugi fyrir bandarísk yfirvöld sem leyniþjónustumaður og var á endanum fluttur til Suður-Ameríku, þar sem hann settist að í

Bólivíu og varð kaupslumaður. Barbie hélt áfram leyniþjónustustörfum sínum fyrir Bandaríkjamenn þrátt fyrir sífellt vaxandi óánægju franskra gyðinga sem réttlæga töldu Barbie komast allt of vel frá hrikalegri fortíð sinni. Eftir stjórnskipti í Bólivíu í kringum 1980 samþykktu stjórnvöld þar í landi að framselja Barbie í skiptum fyrir fransk hjálpargögn. Barbie var dæmdur sekur eftir dramatísk réttarhöld og fékk fyrir vikni að sitja í fangelsi það sem hann átti eftir ólífað. Hann lést úr krabbameini 1991.



KLAUS BARBIE

## MERKISATBURÐIR

- 1812** Spencer Perceval, þáverandi forsætisráðherra Bretlands, er myrtur í London af geðveikum kaupslumanni, John Bellingham að nafni.
- 1969** Bandarískir og suður-vietnamskir hermenn berjast við norður-vietnamska hermenn í frægri orrustu um Ap Bia fjall, sem síðar var nefnt Hamburger Hill vegna grófarlegs mannfalls bandarískra hermanna þar.
- 1858** Minnesota er þennan dag formlega skráð sem ríki Bandaríkjana, þá 32. ríkið.
- 1947** Ferrari keppir í fyrsta sinn í kappakstri í Piacenza á Ítalíu. Billinn bílaði og þurfti að hætta keppni eftir að hafa verið fremstur í röðinni.

## ÆDDUST ÞENNAN DAG

- 1872 Einar Lónsson myndhöggvari.
- 1888 Irving Berlin tónskáld.
- 1904 Salvador Dalí listmálari.
- 1932 Garavani Valentino tiskuhönnuður.

## AFMÆLI

- Jóhannes Nordal, fyrrverandi seðlabankastjóri, er 81 ár.
- Áni Vilhjálmsson fiskfræðingur er 73 ára.
- Sigurður Eyberg leikari er 34 ára.
- Björgólfur Takefusa knattspyrnumaður er 25 ára.

## ANDLÁT

- Jóna M. Sigurjónsdóttir, Skildinganesi 4, Reykjavík, lést föstudaginn 6. maí.
- Kristinn Guðlaugur Hermannsson, Jörðalind 4, Kópavogi, áður til heimilis að Molastöðum, Fljótum, lést laugardaginn 7. maí.
- Bára Kristjánsdóttir, þroskabálfi, Íragerði 12, Stokkseyri, lést laugardaginn 7. maí.

## JARÐARFARIR

- 13.00 **Kjartan Ólafsson**, bóndi, Sandhólum, Bíturfirði, verður jarðsönginn frá Fossvogskirkju.
- 14.00 **Agatha Þorleifsdóttir**, Dvalarheimilinu Höfða Akranesi, verður jarðsöngin frá Akranesirkirkju.



**SJÓMINJASAFNIÐ** Verið er að steypa gólf undir útsýnispál.

## Bætt við Bæjarútgerðina: Fær andlitslyftingu

„Endurreisn hafnarinnar er hafin,“ segir Sigrún Magnúsdóttir, forstöðumaður Sjóminjasafnsins, sem opnar sína fyrstu sýningu í Grandagarði 8 á sjómanna-daginn eftir þrjár vikur. Nú standa yfir viðamiklar breytingar á húsinu og er verið að steypa gólf í viðbyggingu við gömlu bæjarútgerðina, sem hefur að sögn Sigrúnar staðið illa frá gengin og öllum til ama í sex ár. „Þarna verður 80 fermetra verönd þar sem hægt verður að njóta útsýnis,“ segir Sigrún, sem telur safnið geta orðið menningar-miðstöð svæðisins. Á lokinni gönguferð í gegnum safnið geti menn gengið út á veröndina og séð hafnarstarfsemina og fjallahringinn en að sögn Sigrúnar er útsýnið „gullmóli safnsins“. Sigrún var ráðin forstöðumaður í byrjun janúar og má telja galvaskt að klára framkvæmdir og setja upp sýningu á einungis fimm mánuðum. ■

Tilkynningar um merkisatburði, stórafmæli, andlát og jarðarfarir í smáletursdálkinn hér til hliðar má senda á netfangið tímamot@frettabladid.is.



**GREINDIR MENN** Dr. Yngvi Björnsson og dr. Kristinn R. Þórðarson eru doktorsmenntaðir í gervigreind. Þeir veita nýju Gervigreindarsetri Háskólans í Reykjavík forstöðu.

## TÍMAMÓT: GERVIGREINDARSETUR HÁSKÓLAN S Í REYKJAVÍK STOFNAÐ

# Hugsandi hugbúnaður

Tölvukerfi sem læra af reynslunni, bregðast við ófyrirséðum upptökum og taka sjálfstæðar ákvarðanir eru hluti af því sem nýstofnað Gervigreindarsetur Háskólans í Reykjavík vinnur að. Yngvi Björnsson og Kristinn R. Þórðarson, forstöðumenn setursins, eru báðir doktorsmenntaðir í gervigreind. Þeir hafa síðastliðið ár unnið að rannsóknum á þessu sviði fyrir HR en umfangið var orðið svo mikið að þeim fannst tími til kominn að stofna formlegt setur, sem var gert nú í apríl. „Heimurinn er orðinn mjög tæknilega flókin,“ segir Yngvi, sem segir stofnun setursins vera einn lið í því að stuðla að þróun hátækniiðnaðar hér á landi. Ætlunin sé að tengja starf

stofnunarinnar við atvinnulífið en einnig verði unnin rannsóknarvinna í samstarfi við háskóla í Norður-Ameríku og Evrópu. Kristinn telur stofnunina hafa töluverða þýðingu í alþjóðlegu samhengi. Breidd í námi aukist, sem geri Ísland samkeppnishæfara. „Með stofnuninni gefst okkur möguleiki á að hafa áhrif á sviðið sem er mikill munur frá því að fylgja öðrum eftir,“ segir Kristinn sem finnst mjög spennandi að fá að móta nýtt svið sem á eftir að hafa mikil áhrif eftir nokkur ár. Sú mynd sem Hollywood hefur gefið okkur af gervigreind er af ofurgreindum vélmennum í leit að heimsyfirráðum. Yngvi telur töluvert í að sú mynd verði að raunveruleika. Í

dag nýttist tæknin í iðnaði, viðskiptalífi og víðar, til dæmis í stýrikerfum heimilistækja og í kerfum sem spá fyrir um þróun á fjármálamarkaði. „Hugbúnaðurinn lærir á þig í stað þess að þú lærir á hann,“ segir Yngvi og nefnir sem dæmi gervihnéð sem Össur hefur nýlega fengið alþjóðleg verðlaun fyrir. Gervigreindin hefur einnig verið notuð í tölvuleikjum. Þar eru búnar til sýndarverur gæddar manngæm eiginleikum bæði til skemmtunar og rannsókna. Yngvi segir leikina hentuga þar sem þeir skapi rannsóknarstofumhverfi þar sem tölvunarfræðingar geti stýrt umhverfinu eins og eðlisfræðingar á rannsóknarstofu. solveig@frettabladid.is

## FYRSTA STARFIÐ

### Verðbólgan át upp fyrstu launin

„Fyrsta starfið mitt var þegar ég fékk að afgreiða í búðinni hjá afa mínum tólf ára gömul,“ segir Sigríður Dúna Kristmundsdóttir, prófessor í mannfræði við Háskóla Íslands. „Áf minn var Júlíus Guðmundsson matvörukaupmaður, sem rak verslunina Baldur á Framnesvegnum. Þessi búð var algjört himnaríki fyrir litlar stelpur og þegar ég var tólf ára leyfði hann mér stundum að afgreiða.“ Sigríður fékk dálitla þóknun fyrir vinnuna en launin voru ekki greidd út í hönd. „Áf fór með mig í bankann og lagði launin inn og þar át verðbólgan þau upp. Á endanum fékk ég því lítið



SIGRÍÐUR DÚNA KRISTMUNDSDÓTTIR

fyrir mitt fyrsta starf þó vel væri að grunni bóúð.“ Sigríður vann hjá afa sínum þangað til hún var sautján ára. Vinnan jókst með árunum og fimmtán ára fór hún að fá launin greidd beint út. Sigríður segir að það hafi skipt sig miklu að vinna fyrir afa sinn. „Mér var treyst fyrir einhverju og falin ábyrgð. Ég efast ekki um að þetta hafi haft góð áhrif á mig til lengri tíma. Verslunarstórf fela í sér samskipti við fólk, það þarf að gefa rétt til baka og svo framvegis. Áf var líka vandur að virðingunni sinn og það var ekki ónýt að taka fyrstu skrefin á vinnumarkaði undir hans handleiðslu.“ ■

## +

Ástætur dóttir okkar, systir, mágkona, barnabarn, frænka og vinkona,

### Lovisa Rut Bjargmundsdóttir

sem lést fimmtudaginn 5. maí, verður jarðsöngin frá Árbæjarkirkju fimmtudaginn 12. maí kl. 15.00.

Sólveig Guðlaugsdóttir  
Guðmundur Bjargmundsson  
Kolbrún Bjargmundsdóttir  
Lovisa Rut Bjargmundsdóttir  
og aðrir aðstandendur.

Bjargmundur Grimsson  
Hrafnhildur Guðmundsdóttir